

Date - 12/02/2026 Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Mizoram civil services (combined competitive) exam result tihchhuah taka sawi hlawh tak chungchangah Mizo Zirlai Pawl chuan MPSC hotute an bia.
2. Kawngsiam chungchanga lungawilo, Youth for Kolasib kaihhruaina hnuaiia din Joint Action Committee (JAC) on National Highway hruaitute chu nimin khan Kolasib sorkar hotute nen an inbia.
3. Union Finance Minister Nirmala Sitharamani chuan sawrkarin ramchhunga hmasawna ruhrel lian din uar lehzual turin na takin a nawr thu a sawi.
4. Canada-a British Columbia schoola inkahna thlengah mi pariat an thi a, mi 25 in hliam an tuar

<><><>

MZP

Mizoram Public Service Commission- in a Mizoram civil services (combined competitive) exam result a tihchhuah taka sawi hlawh tak mai chungchangah Mizo Zirlai Pawl chuan MPSC lam hotute an hmu a,

Hemi chungchangah hian thuneitute thuthlukna ngaihchan a ni dawn an ti a, dik leh fel fai takin thuneitute'n thutlukna an siam vat MZP chuan a beisei tlat a ni an ti.

MZP chuan, Mizoram civil services(combined competitive) exam buatsaih ngun lutuk te chu MPSC hotute hnenah tha an tih loh thu te thlenin, UPSC civil services exam lamah te pawh thalai tam zawkin ngaihtuahna an sen loh phah niin MZP chuan an ngaih thu an sawi bawk.

<><><>

HORTI MINISTER

Horticulture Minister Pu C. Lalsawivunga chuan Kolasib District chhunga Horticulture Department hmalakna hrang hrangte a nimin khan a tlawh a.

Minister hian chawhma lamah Centre of Excellence (CoE), Thingdawl tlawhin, helai hmuna Horticulture hotuten an hmalakna hrang hrangte lo entirin hun an hmang a.

CoE-ah hian Horticulture thiamna hmanga Tomato leh Strawberry chin dan te, pangang hmanga leitha siamna (Vermicompost) te, leitha atana bawng an vulh te leh pangpar an khawih dante Minister hi an lo entir a ni.

Centre of Excellence for Horticulture, Thingdawl hi 2013 a din ani a, 2015 ah hawn a ni. He centre in a tum ber chu quality planting material kuthnathawktute

hnaena sem chhuah a ni a. Nikum planting season ah khan Avocado, Dragonfruit, Papaya, M.Orange tiak te sem chhuah a ni. Nikum vekah khan a vawikhat nan curcuma pangpar variety hrang hrangte commercial a hralh chhuah a ni a. Bana kaih Research Wing hnuaiiah sawhthing semi-intensive leh terrrace cultivation hmanga enchhin a ni bawk. Brimato (Brinjal leh tomato) grafting hmanga hlawhtling taka zawm niin, a rah pawh a tha hle tih tarlan a ni a. Tun dinhmunah hian strawberry, tomato, Chinese cabbage, mau(rawthing) tiak te an nei mek a ni. He centre ah hian thlai te hi pesticide tello veka enkawl a ni a. Tin he centre in a tum ber chu one time use plastics hman loh hram a ni.

Horticulture Minister hian Darnam Zau, Kawnpui-a balhla chinna hmun an tlawh bawk a, Chawhnu lamah Pu Lalfamkima, Deputy Speaker Project Veng atanga Tuichhuahen Zau kalna link road hmalakna te a enpui leh a, District Horticulture Office-ah officers leh staff te nen hun an hmang zui a ni.

Minister Pu C. Lalsawivunga chuan Department hmalakna hrang hrang a hmuh te chu tha a tih thu sawiin, thawktute leh inpekna a fakawm hle a ni, a ti . Kolasib District chu leilung hausakna leh thlai thar chhuah kawngah theihna sang tak nei a ni tiin, tun aia nasaa tan la thar turin a chah bawk.

<><><>

PRASHASAN GAON KI ORE

Lunglei District Bawrhsap bul tuma mipuite'n sawrkar hma lakna hrang hrangte an chhawr t̄angkai theih nan an khuaa kal chilha service hrang hrang chhawp chhuahsakna, "I Kawtkaiiah Sawrkar" (Prashasan Gaon Ki Ore) chu a thawh thum nan nimin n khan Lunglei RD Block chhunga Thingfal khuaah Thingfal leh a chhehvel khaw mipuite tan buatsaih a ni.

Thingfala "I Kawtkaiiah Sawrkar" hun buatsaihh hian DC Office, Block Development Office, Animal Husbandry & Veterinary, Health & Family Welfare, Land Revenue & Settlement, Bank leh office hrang hrangte'n stall hawngin, awlsam zawka mipuite dawr theih turin an inpho chhuak a. Lehkha pawimawh hrang hrang siam thar leh siam t̄at tur dilna buaipui a ni a— Aadhaar 58, MGNREGS job card 36, voter ID card 105, ST/Residential Certificate 272 leh Revenue pass 20 siamthar leh siam thar dilna a lut a, bank account hawng thar leh bank hnuaiia sawrkar scheme hrang hranga inziak lut mi 40 an awm a. Damlo inentir mi 47 awmin, an zinga mi 29 chuan Healthy Lunglei District Campaign hnuaiia LushAI Healthy Lunglei mobile application chu chhawr t̄angkaiin online appointment an la a. Ran damlo entir leh hri danna pek 57 awmin, sawrkar ruahmanna hrang hrang chungchang inzirtirna buatsaih a ni bawk a. He'ng service hrang hrang chhawp chhuahte hi mi 635 velin an chhawr t̄angkai a ni.

<><><>

KOLASIB

Kawngsiam chungchanga lungawilo, Youth for Kolasib kaihhruaina hnuaiia din Joint Action Committee (JAC) on National Highway hruaitute chu nimin khan Kolasib SDO (S) Pu H. Lalramliana chuan a kawm a,

Pu H. Lalramliana chuan JAC ten NHIDCL Office hual an tum nia Social Media atanga hriat a nih thu leh, hetiang zawnga hmalakna hian boruak thalo zawk a thlen palh a hlauhthawnawm thu a sawi a. NHIDCL leh kawng siamtu Contractor-te rikrap leh ti thlabar zawnga chetna chuan kawng siam hna a tih thuanawp theih zawk avangin an thil tum chu kaltlangpui lo turin a ngen a ni.

SDM chuan Contractor-ten an hna zo fel tur hian July ni 7, thleng hun an neih thu tarlangin, hetih lai hian mi thenkhatin High Court lamah thlenin hma an lak avangin Contractor-te hian April ni 30-ah chuan an hna an zawh hman tur thu Affidavit hmangin an thehlut nia hriat a nih thu a sawi a. He thil hi High Court chuan a thlir reng thu leh hnathawkte hmasawn dan pawh a en zui reng thu a sawi baw. Hetiang hi thil awmdan a nih avangin, tuna hnathawktute hna ti bahlah thei leh mipui nunphung pangngai ti buai thei boruak siam lo turin Pu H. Lalramliana chuan JAC hruaitute chu a ngen a ni.

He hunah hian Youth for Kolasib (JAC) hruaitute chuan NHIDCL leh a hnuaiia Sub-Contractor ten an hna an thawk chak taw. Lo leh mipuiten harsatna namen lo an tuar mek chu pawh an tih thu an sawi a. Hemi chungchanga an lungawilohna lantir nan karleh thawhtanni ni 16 hian Diakkawn YMA Hall atanga tanin College Venga NHIDCL Office pan a, Office hual tura ruahmanna an siam thu an tarlang a. An lungawilohna chungchang thu hi Ministry of Road Transport and Highways (MoRTH) leh Mizoram Governor hnenah thehluh an tum thu an sawi baw.

He hunah hian Addl. Superintendent of Police, Sub-Deputy Commissioner, NHIDCL Office awmna College Veng khawtlang hruaitute leh YMA hruaitute pawhin JAC te hmalak tum dan chu boruak thalo thlen palh theihna a nih avangin, ruahmanna him zawk leh tha zawk kawng dang dap turin JAC hruaitute hi a ngen baw a ni.

Sub-Divisional Magistrate hi Pu K. Lalthlangliana, Addl. SP; Pu Lalthanzuala, SDC leh mi pawimawh dangten an tawiam.

<><><>

MLDB

Mizo Language Development Board (MLDB) chairman Pu R. Lallianzuala chuan kumin hian Eight Schedule-ah Mizo tawng sengluh a nih theih nan sorkar laipuah ziakin an thlen dawn a ti.

MLDB chairman Pu R. Lallianzuala chuan vawiin khan Akashvani News Aizawl zawhna chhangin, MLDB a din tirh atangin India danpui huangah Mizo tawng dah luh chu an thil tum hmasa zinga mi a ni tih a sawi a, a thuneitu sang chu Home Ministry an nih angin Union Home minister hnenah ngei ziaka thlen an tum tih a sawi a, zik bakah tawngka pawhin an thlen dawn tih a sawi baw.

MLDB hian Eight Schedule-a Mizo tawng sengluh a nih theih nan hian zirchianna an lo nei fo tawh a, Mizoram chhunga tlawmngai pawl bakah zirlai pawl leh tawng lama thannemngai intelkhawm hrang hrang an be kual tawh a, an zavaiin an inlungual niin Pu R. Lallianzuala chuan a sawi.

India danpui (Article 344(1) leh 351) hian kum 1950 khan a hmasa atan tawng hrang 14 a lalut a, chumi hnuah lakluh belh zelin tun dinhmunah tawng hrang 22 a pawm tawh a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



BIKE RALLY

Bike rally nei mek Indian Revenue Service (IRS) Officer te chuan Mizoram kawtchhuah Vairengte an lo thleng

IRS officer te hian ahuho in bike rally hi ni 8 atang khan nei tanin ni 14 thleng an nei dawn a. An zinkawng hi Guwahati atanga tanin Shillong leh Silchar an rawn paltlang hnuah Mizoram leilung Vairengte khua chu nimin khan an lut a ni.

Vairengte Police check gate ah hian Vairengte police ten lo dawngsawngin hun reilo te an hman hnuah Aizawl lam panin an chhuak nghal a. Aizawl atang hian Zokhawthar an pan leh dawn ani.



MYC

Mizoram Youth Commission Chairman Pu Malsawmzuala Ralte leh Falkland-a Army Recuitment Office Director Colonel Prakash Kumar Singh a ten nimin khan thawhho dan tur an sawi dun a.

Army Recruitment Office hian kum tin sipai lak runpui an buatsaih thin a. Mizo thalai tam zawk sipaia an luh theihna turin, Army Recruitment Office leh MYC in thawhho an rel a ni.

MYC-in Mizo thalai sipai hna dil tur huikhawm an ti ang a, online-a dilna form an thehluh tur leh, exam an hmachhawn tur atan computer hman dan an zirtir ang. Online exam an paltlang theihna turin coaching class an buatsaih sak bawk ang.

Sipai a lut tur hian pawl 8, pawl 10, pawl 12 leh BA pass te tan a dil theih dawn a, dilna hun hawn a nih ve leh MYC in hriattirna a chhuah dawn a ni. Online exam zawhah physical test neih a ni ang.

MYC leh ARO thawhhona turah hian MoU buatsaih a, peih fel a nih veleh ziah a ni ang.



DRINKING WATER

Sorkar laipui Ministry of Jal Shakti hnuai Department of Drinking Water & Sanitation- in ramchhung hmun hrang hranga Jal Arpan Diwas (Tui inhlan chhawna Ni) hmang tura a tih angin Hnahthial PHE WATSAN kaihhruaina hnuai South Vanlaiphai Community Hall No- II ah hun hman a ni a

Hnahthial PHE EE Pu Lalhruitluanga hova hman a ni a, Village Watsan Committee kutah tui inhlan chhawna neih PHED leh VCP ten hming sign in an

nemnghet a, Vantlang thutiam lakna hun hmang bawkin “Jai Jal Jeevan - Kan nunna atan tui a pawimawh a, Tui hi a hlu ani” tiin an tiam a ni.

<><><>

UNION FINANCE MINISTER

Union Finance Minister Nirmala Sitharamani chuan sawrkarin ramchhunga hmasawwna ruhrel lian din uar leh zual turin na takin a nawr thu a sawi. Nimin Lok Sabha-a Union Budget 2026-27 sawihonaah he thu hi sawiin Pi Sitharamani chuan inhlawhfate leh MSME lama eizawngte tana hna thar tam zawk siam tur leh ram sum dinhmun tih hmasawwna tur an ngai pawimawh zual tih a sawi a. Budget pharh takah khan hmasawwna atana sum hman tur cheng vaibelchhe nuai 12 chuang dah anih thu sawiin hei hi ram sum dehchhuah GDP atangin zaa 3.1 lai a ni a ti a. Kum 2025-26 budget revised estimate aiin zaa 11.5 in a tam tih a sawi a. Ramchhunga hmasawwna ruhrel te tilian turin sawrkarin sum tam tak sen a rel a ni a ti bawk.

<><><>

CANADA SHOOTING

Canada-a British Columbia schoola inkahna thlengah mi pariat an thi a, mi 25 in hliam an tuar. Thudawn danin pawikhawihtua puh hi kum 18 a upa Jesse Van Rootselaar a ni a. Police te chuan Van Rootselaar hian rilru lamah harsatna a nei tih an sawi a. Inkahna hi Tumbler Ridge khuaa thleng a ni a. Mitthi zingah hian zirtirtu pakhat leh zirlai hmeichhia 3 leh mipa 2 bakah puitling pahnih an tel a ni. Police te sawidanin pawikhawihtu hi mipaa piang a ni a, kum ruk kalta vel khan a nihna inthlakin hmeichhia angin a insiam tih ansawi bawk a ni.

<><><>